

## **Covid-19: Satu lagi korban, 30 kes baru**

**Malaysiakini**

**05 Mei 2020**

Malaysia mencatatkan 30 lagi kes baru Covid-19, menjadikan jumlah keseluruhan kes yang pernah direkodkan ialah 6,383 kes.

Dalam sidang medianya hari ini, Dr Noor Hisham Abdullah memaklumkan bahawa 30 kes baru itu merupakan kes jangkitan tempatan yang dikesan di kawasan di bawah perintah kawalan pergerakan diperketatkan.

Noor Hisham juga memaklumkan bahawa sebanyak 83 lagi pesakit pulih dari jangkitan Covid-19, menjadikan jumlah keseluruhan yang sembuh ialah sebanyak 4,567 atau 71.55 peratus.

Ini bermakna, sebanyak 1,710 kes aktif Covid-19 di Malaysia setakat tengah hari tadi.

Daripada jumlah itu, sebanyak 24 dirawat di Unit rawatan rapi, dengan lapan daripadanya memerlukan bantuan pernafasan.

Noor Hisham memaklumkan bahawa Satu lagi kematian baru dilaporkan setakat tengah hari tadi, menjadikan jumlah korban Covid-19 di Malaysia 106. atau 1.66 peratus daripada jumlah keseluruhan kes yang direkodkan.

Kes kematian ke-106 (kes ke-830) merupakan lelaki warganegara Malaysia berumur 47 tahun.

Pesakit itu telah dimasukkan ke sebuah hospital swasta mulai 15 Mac dan kemudiannya dipindahkan ke Hospital Sungai Buloh pada 16 Mac setelah disahkan positif Covid-19, sebelum disahkan meninggal dunia pada 5 Mei jam 2.10 pagi.

**Copyright © 1999-2012 Mkini Dotcom Sdn. Bhd**

Source: <https://www.malaysiakini.com/news/524211>